



30. juni 2016

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit inatsisit eqikkarneqartarneri pillugit:

- 1. Suliniutit suut Naalakkersuisut aallartinniarpaat innuttaasunut paasiuminarsarniarlugu, inatsisit suut atuunnersut?**
- 2. Naalakkersuisut eqqarsaatiginerlugu sukumiilluinnartumik kingumoortumik inatsisinik tamanik eqiterinissaq, innuttaasut pisinnaatitaaffitik nassaarisinnaaniassammatigit inatsisillu atuuttut sumiiffimmi ataatsimi?**
- 3. Naalakkersuisut sulissutigilersaarnerlugu innuttaasunut atuaruminartunik paasiuminartunillu inatsisiliornissaq, inuit naliginnaasut periarfissarisarnerulersikkumallugit inatsisinik malittarisassanillu paasinnilluarnissaat?**
- 4. Naalakkersuisut eqqarsaatiginerlugu sulisunut inatsisinut ilitsersuutitigit angummatilerniarlutik aamma tamanna qaqugu naatsorsuutigisinnaavarput?**
- 5. Unamminartut suut ilaappat inatsisit kalaallisut nutarterneqassappata aamma soq ullumimut naleqqiullugu tamanna sukkanerusumik ingerlanneqangila?**
- 6. Apeqqutini 1-miik 5-mut taasanni unamminartut suut attuumassuteqarpat aamma suliniutit piviusunngortinneqassappata tamanna qanoq akeqassava?**
- 7. Suliniutit suut allat Naalakkersuisut allartissallugit eqqarsaatigaat inatsisit innuttaasullu pisinnaatitaaffii innuttaasunut, peqatigiiffinnut aamma kattuffinnut pineqarsinnaalersillugit, taakku pisariaqartitsileraangamik ilisimasaqarnerulernissaminnut periarfissaqaqqullugit?**
(Inatsisartunut ilaasortaq Tillie Martinussen, Demokraatit)

Tunngavilersuut

Sallaatsumik oqaatigalugu paasiuminaalluinnaaqqissaarpoq paasiniassallugu nunami maani inatsisit sorliit atuunnersut. Inatsisiliortutut uanga nammineq akuttunngitsumik atortariaqartarpara "Copy paste" paasiumallugu ullumikkut inatsit qanoq ilusilersugaanersoq, paragraffinilu allannguutit tamarmik il.il. pappiaqqami ilaanersut paasiniassagukku, ujaarlerujussuuartariaqartarpunga, paasiniarlugu inatsit suna atuuttuunersoq.



Ulluni nalginnarni sulinitinni uangutsinnut taama ajornartigippat, innuttaasunut nalginnaasunut suli ajornarnerussaaq. Taamaattumik kissaatigaara sanasoqartariaqartoq paasiuminartunik assersuutigalugu sukumiisunik kingumoortunik inatsisinik nalunaarutinillu eqiterinikkut, tamakku innuttaasunit nassaarinqarsinnaaqullugit sumiiffimmi ataatsimi.

Ullumikkut pissutsit naapertorlugi ilisimasariaqarpoq Naalakkersuisut nittartagaat iserfissaasoq paasiniaaraanni inatsisit eqikkarneqarsimasut nutaaliat sulili inatsit.gl-mut imaluunniit allanut portalinut ivertinneqarsimangitsut. Atagu assersuutinik marlussunnik taasilanga:

- Inunnik isumaginnermut inatsit katitigaavoq assigiinngitsorpassuarnik annertullunilu aamma allannguuterpassuupput, taamaattumik ajornarluinnangajattarpoq paasissallugu suna atuunnersoq.
- Nunami maani kommunini tamani inunnut isumaginninnermut tunngasut suliassarpassuit immikkut isiginiarneqaleneri kiisalu ikilisarneqarneri - ilanngullugulu sullissisussaaleqineq pissutaallutik pisariaqarpoq inunnik isumaginninnermut siunnersortit, inunnik isumaginninnermi ikiortit allallu pisorta qarfinni innuttaasunik sullissisut ilitsersuutinik sanaannissaat.
- Aangajaarniutit pillugit inatsit nutarterneqarnikuunngilaq arlalippassuartillugu amingaateqarluni. Erseqqissumik ilisimangilarput kunngip peqqussutaa naapertorlugi inatsisit suut akueralugit taasisimanerluta Danmarkimi inatsisinik nutarterineq tunngavigalugu aamma inatsisit suut nammineerluta atulersissinnaanerlugit.

Allatut oqaatigalugu immikkoortoqarpoq annertuunik, paasiuminaalluinnarluni suut atuunnersut. Ajorpoq.

Apeqqutit akeqquneqarput ullut suliffiit nalginnaasut qulit iluanni.